

康熙六十年重修

嘉禾鄧士誠

府庫藏板

# 府志序



史有志有傳江淹謂修史  
之難莫過於志蓋傳止紀  
一人本末志則貫串千百  
年事而經緯條理班班不

紊也郡邑之志卽郡邑之  
史也不稱史而稱志如陳  
壽三國亦稱志志猶史也  
以體國經野則制定以移  
風易俗則教施以興廢舉

墜則政理以旌淑別慝則  
鑒著其事雖在一方而歷  
代之因革損益莫不于是  
考其得失驗其理亂則豈  
徒誇繁庶侈游觀臚圭組

綴吟咏之爲志乎哉吾郡  
自橢李始載春秋地介蘇  
杭間賦役繁重人文代興  
吾

皇上南巡屢經

駐蹕振興鼓舞農勤于畊士勸  
于學益丕變于前矣郡志  
南宋太守張公元成創之  
岳公珂繼之俱未有成書  
其有志自至元始明之弘

治有柳志嘉靖有趙志鄒  
生衡之補志萬曆有劉志  
至

國朝辛酉而有袁志辛酉至  
今四十年則今所應補者

此四十年之事耳乃閱袁志所載萬曆以來缺略甚多則今不獨續袁志而并以續劉志也且如五臺瓶山其非山明甚至元志載

古蹟他志俱載山川假借如此况人與事之易于混淆者乎是又不獨續劉袁二志而并以校正弘治以來諸志也郡志之外有戚

尚寶之往哲列傳陳宮詹  
之廣往哲傳朱漢翔之英  
華蔣楚樺之詩乘曹司農  
俞處士紀載人物雖未成  
編亦有藏稿近則有朱太

史之禾錄盛孝廉之徵獻  
錄沈南疑之詩繫皆當廣  
蒐而詳校者也然非學足  
以綜今古鑒足以別涇渭  
何以表鉞克嚴而無媿著

述也乎

太守吳公守吾郡七載清  
潔慈惠爲政持大體敦實  
行尤以作人爲首務闢學  
宮傍隙地建鴛湖書院祀

陸稼書先生俾多士誦先  
生言行以有所興起而文  
學之士斐然矣教化成于  
上風俗醇于下公乃得以  
燕閒有事于郡志于是延

訪老成以諸志及各家著  
書互相考核再三約束謂  
寧闕毋誕寧簡毋繁寧嚴  
毋濫同人亦共矢公慎藁  
成公手自閱定增刪一字

頰毫煥采余適奉譚家居  
亦謬與叅訂見所紀農桑  
學校氓俗土風皆公所綜  
理裁成見於設施者也以  
公之政事爲公之文章豈

荀袁政駿所能彷彿萬一  
哉志于今年秋告成余承  
乏間寺公書來屬余敘其  
略余固不能已于言然柳  
志則莊定山李西涯兩先

生爲之序今志遠勝于柳  
而余固陋無文不無媿于  
莊李兩先生云

康熙五十九年歲次庚子嘉  
平月

賜進士第太僕寺少卿加三級  
前刑科掌印給事中壬辰  
科會試同考官郡人錢以  
堦撰



嘉興爲古樵李春秋時名始著  
說者以前此屬荆蠻故外之然  
禹貢隸揚州會稽嘗大會諸侯  
則亦玉帛來同之地何歷夏至  
周千餘年竟湮沒無聞豈古簡

吳序一

失徵抑地鮮者碩使然與蓋嘗  
論天地之氣化五行迭王而疆  
索之興盛亦有其候嘉於秦漢  
皆爲縣唐稱緊稱望至宋徽宗  
始改州爲郡越南宋而尤盛山

川猶是土田猶是向之斷髮文  
身一變而衣冠鼎盛直甲天下  
詎非屈於前者伸於後而地維  
南朔之旋轉信有待乎元置路  
明稱府而分嘉邑爲秀善分鹽

吳序二

爲平分崇德爲桐鄉則又在宣  
德之時蓋以兩浙咽喉地衝事  
劇分之析之尚苦繁重而難紀  
苟欲哀益往籍以昭示來茲非  
易易乎其任也嘉之誌創于宋

成於元雖代有續述而

本朝任修明者厥維前刺史袁  
公國梓然自辛酉迄今又四十  
年矣保無時勢異宜革因不相  
襲或生于斯而行事卓然可稱

吳序三

仕宦茲土而善政容有未傳以  
至丁田之消長賦役之盈縮廢  
者奚以興隆者奚以替續而成  
之端在今日倘以簿牒紛糾漫  
謝未遑坐令舊聞放失不幾同

予刈薪楚而弗束萎敗隨之紛  
衆流而無歸汗漫何極乎鄉先  
生太僕錢公蕨山讀禮家居淡  
藉其力以總裁新舉復延進士  
馬君孝本陳君廷煒孝廉徐天

吳序四

秩陳佑明經沈起孟諸生曹熙  
分司採集而校字訂訛則委諸  
廣文何景雲冀汝賓至於點竄  
釐定余亦未敢多讓焉惟是誌  
以記事或又詳見于一邑而徵

乎天下或人物式于一鄉而風  
乎百世是卽史臣之珥筆也故  
于舊誌所載未敢妄加芟節而  
今茲新附者則必考諸故家之  
記載採諸士大夫之傳述雖耳

吳序五

目未周不無烏焉成馬然夏五  
郭公仍存其闕而善善欲長以  
垂四十年之感奮則亦聽諸後  
人之論定而余但期罔愧于厥  
衷斯已耳抑又聞之太璞不雕

則精英內秘莠文飾美則發越  
無遺今之嘉興猶古之樵李而  
踵事增華習尚稍異疇昔當盛  
滿而思返吾尤願都人士之共  
相挽回而力持之以至於千萬  
年其不敝也是爲序告

吳序六

康熙六十年夏五月中憲大夫  
知嘉興府事三韓吳永芳  
椒亭氏撰



凡例

一郡志始於元 至元明弘治時有柳志鄒志補趙瀛圖  
記然存本絕少藏書家偶得之與袁志劉志互相校訂  
更參以明統志舊志七邑新志方及十七史吳越  
備史宋元明八才集說諸書而考其長畧備  
一學校以崇聖道古志本不立後於心畧釋奠以報功德  
習禮樂非可泛列祠祀舊志亦免置今以義例正之  
一橋李平原事蹟最古鹽官登澤管轄境也並以區畫沿  
革時地爲次而糾正其謬誤畧於之華亭事在未析地  
以前者仍存之以備考

嘉興府志

卷之一

凡例

一戚尙寶橋李往詰傳紀載甚畧參以陳宮詹續往哲傳  
及見聞錄徵獻錄詩繫諸集前賢之懿行畧備矣辛酉  
以後雖詳諮節取恒恐涇渭罔別不無軒輊貽譏耳  
一朱顧陸三姓考之史傳及他志大半屬吳本國袁誌仿  
舊時縣圖經而盡載之未免借材異地茲不爲附會  
一凡流寓必久居於斯而卜葬於斯者方可列名若范少  
伯遯跡五湖顧玉山合溪暫寓雖懿蹟  
載

一人物以身後爲論定凡見在之循吏雖政蹟可紀及鄉  
士大夫懿行足式者俱不立傳旣恐改絃易轍蹈有初